



Universitätsbibliothek Paderborn

Opvs De Ivdiciis Divinis, Qvae Devs In Hoc Mvndo Exercet

Accessit index concionatorius in omnes totius anni dies Dominicos & Festos, ab ipso Auctore confectus

Stengel, Georg

Ingolstadii, 1651

9. Quàm longè melior sit condicio pauperum, condicione diuitum?

urn:nbn:de:hbz:466:1-45653

tot & tanta vno stomacho simul capiuntur , nisi per vices , nunc vina , nunc fercula reuomantur ; vt prius immoderatè ingesta locum faciant , immoderatiùs successuris. Sed omnium stultissimum est, reperiri, qui cum, præ quotidiana ebrietate, cœnæ obliuiscuntur, tamen existiment, se iciunasse ; obseruata scilicet lege Ecclesiastica cibos solùm prohibente , & lege naturali temperantia turpissimè violata. Quale hoc iciunium est, potare, vt non esuras ? offerre Deo inediam, & diabolo ebrietatem ? Numquid satius esset, carere vino , quām non carere vitio ? destitui pane , quām distendi dape ? incendio alimenta subduci , quām iniici ? sed pauci hoc capiunt. Illos ergo Deus concupiscentijs suis regendos permittit; aliquando etiam, tanquam fures ac raptores , seuerissimè puniturus. Nam illud vinum ad se rapiunt abligiuntque , in propriam perniciem, quod ægrotis, quod debilibus, atque extrema egestate in extrema deiectis debetur. Quod non prodest eis, nisi vt, velut dolia, impleantur, atque in morbos pingueſcant , & naturæ suffocent vigorem. Neque enim podagra duntaxat in pedibus istorum nidulatur, sed etiam in toto corpore mille pestes, quæ subitas mortes, post se, trahunt. Quod per imp̄recantis modum prædictit Psaltes. *Deficiant peccatores à terra,* & *Ps. 103. 35.*

iniqui, ita ut non sint; hanc habent intemperantiae suæ mercedem , quibus in solo est viuendi cauſa palato, hoc est, qui non comedunt, vt viuant, sed viuunt vt comedant; neque à Deo escam (ipsi pullis coruorum deteriores) expectant, sed, vt abundant, etiam egenos spoliant. Talis descriptus est illis verbis : *Sedet in insidijs,* *Psal. 90 30.* *cum diuitiis in occultis, ut interficiat innocentem.* Oculi eius in pauperem respiciunt : *insidiatur in abscondito, quasi leo in spelunca sua.* Insidiatur, vt rapiat pauperem, rapere pauperem , dum attrahit eum. Quid ergo illi cōtinget? *Cadet cum dominatus fuerit pauperum.* Pauperum enim sanguis in venenum ei erit, non in alimentum.

Hæc cum ita sint, ite iam, pauperes , & dicite , Deum vobis esse inclementem : laudate diuites, sortem vestram , immò deplorate. Veritas pauperes beatos vocat, beatos qui esuriunt : Matth. 5. de diuitiis autem quid dicit ? *Væ vobis diuitiis,* *væ, qui habet consolationem vestram :* *væ vobis, qui saturati estis.* Amen, Matth. 19. *dico vobis, quia diues difficile intrabit in regnum cœlorum.* Iterum dico vobis , facilius est, camelum per foramen acus transire, quām diutinem intrare in regnum cœlorum, Vtrum horum, iam præstabilius est?

T vtrum

I X.

Ytrum consultius? diuitem esse, an pauperem? saturari, an macerari? O quantam hic ganeones, Eucliones, Vitellij, epulos, nes erubescendi atque se se submittendi caussam habent? quantum macilenti, Iri, esuriones solatum! Si in eodem carcere duo sint, quorum alteri suspendium à magistratu significatum; alteri dimissio ac libertas; vter plus gaudet, vel dolet? Pincernæ in vincula dato Ioseph prædixit, post tres dies, in pristinum gradum restituendum; pistori, post tres dies, ad coruos iturum; cum vtro tu esse voluisses? nonne cum pincerna? At quid Christus diuitibus & splendidè epulantibus, quid pauperibus & tenui vietum sustentantibus dixerit, audiuisti: cum quibus igitur censes fortunatius agi? Nonne insania est, diuites quosdam de æterno supplicio, quò sunt certiores, eò esse superbiores? Diogenes, sceleroso cuidam, probri gratia, obijcenti paupertatem: ob paupertatem, inquiebat, neminem vidi torqueri, ob malitiam multos; neque in gehenna quisquam torquebitur ob abstinentiam exquisitorum ciborum; torquebuntur autem multi, quia epulati sunt quotidie splendide.

X.

Quadrat huc fabula rustici porcum & canem alentis. Canis interdiu cuium gregem cogebatur comitari in pascua; contra lupos & aliarum ferarum incursum pugnare; sustinere æstum & frigus; nimbos & niues pati; tolerare famem & sitim. Nam totis diebus, vix bucceam panis à pastore accipiebat; & plerumq; vbi etiam bestiarum dentibus saucitus oves domum reducebat, præter arida ossa, vix quidquam obsonij accipiebat, quod roderet. Porcus vero genio indulgens & cuticulam suam curans, (si tam non corium potius) totus ocio & sagina pinguecebat; interdiu semper in cœno & pastu, noctu, in stramine & somno; cum cani præ foribus excubandum, & contra fures indesinenter per uigilandum esset. Impatientia ergo tandem, atque inuidia stimulatus Hylactor, non sine ciuilabili latratu, rustico exprobrauit rei indignitatem, vt qui setosum, foedum, otiosum, pigrum atque inutile animal, pinguissimis offis, delicate nutriri, fidelissimo autem custodi domus ossa duntaxat obijceret, & indurata panis frustra, quæ alias nemo comesse vellet. Huic colonus, ne succensas, inquit, mi fidelis, sed diem crastinum expecta, & videbis hunc tam obesum porcum in cædem saginatum, cum tibi macilento viuere licebit. Altero die cum canis videret lanionem cul-

tro,